

## ԱՎԱՐՏԱԾԱՌԵՐԻ ՊԱՇՏՊԱՆՈՒԹՅՈՒՆ ԳԵՎՈՐԳՅԱՆ ՆՈԳԵՎՈՐ ԾԵՄԱՐԱՆՈՒՄ

Մույն թվականի հունվարի 31-ին Գևորգյան Նոգևոր Ծեմարանի հանդիսությունների դահլիճում Կրեդիտի ունեցավ Նոգևոր Ծեմարանը 1997 թ. ավարտված Տ. Թորգոմ արդ. Տոնիկյանի, Վահան արկ. Զաքարյանի, Արարատ արկ. Գալստյանի և 1998 թ. ավարտված Մուշեղ արկ. Նովհաննիսյանի ու Արա արկ. Նալչաջյանի ավարտաճառերի բանավոր պաշտպանությունը՝ նախագահությամբ Վեհափառ Հայրապետի:

Հանդիսությանը ներկա էին Մայր Աթոռի միաբանությունը, Նոգևոր Ծեմարանի դասախոսական կազմն ու ուսանողությունը, մայրավանքի պաշտոնեությունը և հրավիրյալներ:

Վեհափառ Հայրապետի կարգադրությամբ նախապես կազմվել էր քննիչ հանձնաժողով, որը և հանգամանորեն ընթերցել ու իր գրավոր գնահատանքն ու դիտողությունն էր կարարել յուրաքանչյուր ավարտաճառի մասին:

Քննիչ հանձնաժողովը գլխավորում էր Տ. Ներսես արքեպս. Պոզապայանը: Անդամներն էին Տ. Վազգեն վրդ. Միրզախանյանը, Տ. Մակար վրդ. Նովհաննիսյանը, Տ. Բարկեն արդ. Մալբիյանը, Տ. Արշակ արդ. Խաչատրյանը և այրն. Անդրանիկ Հակոբյանը:

Հանդիսությունը բացվեց «Հայր մեր»-ով: Ապա խոսեց քննիչ հանձնաժողովի նախագահ Տ. Ներսես արքեպս. Պոզապայանը:

«Վեհափառ Տեր, Գերաշնորհ Սրբազան Հայրեր, Հոգեշնորհ հոգևոր եղբայրներ, Նոգևոր Ծեմարանի սաներ, դասախոսական կազմի անդամներ և հարգելի հյուրեր.

Նոգևոր Ծեմարանը միշտ նմանեցվել է մեղվի փեթակի. ինչպես մեղուն բնության ծոցում օրնիբուն շրջում է՝ անցնելով ծաղկից ծաղիկ, դուք էլ՝ գրքից գիրք, նեկտարն եք քաղում ծաղիկների և ուսման ավարտին ներկայացնում ձեր աշխատանքի արդյունքը:

Նորընտիր Հայրապետի գահակալության առաջին ամիսներին՝ հունվար ամսվա վերջին օրը, հինգ շրջանավարտներ իրենց թեզերն են ներկայացրել, և քննիչ հանձնաժողովի անդամներս, ընթերցելուց հետո դրանք, երաշխավորել ենք՝ իբրև պաշտպանության արժանի: Այսօր նրանք հինգն են, բայց, վստահ ենք, առաջիկա ամիսների ընթացքում այս թիվը պիտի բազմա-



պարկվի: Մենք առանց վկայական հոգևորական չպեքք է ունենանք մեր հոգևոր դասում»:

Այնուհետև հանձնաժողովի անդամ Ս. Մակար վրդ. Նովհաննիսյանը ներկայացրեց հանձնաժողովի կարծիքը Ս. Թորգոմ արդ. Տոնիկյանի ավարտագրի վերաբերյալ: Իր ավարտագրի բանավոր պաշտպանությամբ առաջինը հանդես եկավ Ս. Թորգոմ արդ. Տոնիկյանը, որի աշխատանքի թեման էր «Գևորգ Զ Չորեքյան. կյանքն ու գործունեությունը»:

Թորգոմ Նայր Սուրբի ավարտագրի պաշտպանությունից հետո հանձնաժողովի անդամ Ս. Մակար վրդ. Նովհաննիսյանը ներկայացրեց Վահան սրկ. Զաքարյանի ավարտագրի վերաբերյալ հանձնաժողովի կարծիքը, որից հետո իր թեզի բանավոր պաշտպանությամբ հանդես եկավ Վահան սրկ. Զաքարյանը: Նրա ավարտագրի թեման էր «Սուրբ Գրիգոր Տաթևացու «Մեկնութիւն Յովհաննու Անբարանիւն» աշխատությունը»:

Այնուհետև հանձնաժողովի անդամ Ս. Վազգեն վրդ. Միրզախանյանը ներկաների ուշադրությանը ներկայացրեց հանձնաժողովի կարծիքը Արարա սրկ. Գավոյանի դիպլոմային աշխատանքի վերաբերյալ, որից հետո իր ավարտագրի բանավոր պաշտպանությամբ հանդես եկավ Արարա սրկ. Գավոյանը: Նրա աշխատանքի թեման էր «Մայր Աթոռ Սուրբ Էջմիածնի միաբանական գերեզմանավան արձանագրությունների վերծանությունը»:

Հանձնաժողովի անդամ Ս. Մակար վրդ. Նովհաննիսյանը ներկայացրեց Մուշեղ սրկ. Նովհաննիսյանի ավարտագրի վերաբերյալ հանձնաժողովի կարծիքը: Իր աշխատանքի բանավոր պաշտպանությամբ հանդես եկավ Մուշեղ սրկ. Նովհաննիսյանը: Նրա աշխատանքի թեման էր «Արդի բնագիտության և աստվածաբանության փոխհարաբերությունը»:

Հանձնաժողովի անդամ Ս. Արշակ արդ. Խաչատրյանը ներկայացրեց հանձնաժողովի գրավոր կարծիքը Արա սրկ. Նալչաջյանի ավարտագրի վերաբերյալ: Վերջինն իր աշխատանքի բանավոր պաշտպանությամբ հանդես եկավ Արա սրկ. Նալչաջյանը: Նրա աշխատանքի թեման էր «Նայոց Եկեղեցին»:

Հանձնաժողովի նախագահ Ս. Ներսես արքեպս. Պողոսյանը հրապարակեց հանձնաժողովի կարծիքը ավարտագրերի բանավոր պաշտպանության վերաբերյալ և հայտնեց դիպլոմային աշխատանքների գնահատականները:



Նանդիստության վերջում Վեհափառ Նայրապետն իր շնորհավորանքի և օրհնության խոսքն ուղղեց իրենց թեզերը հաջողությամբ պաշտպանած ճեմարանականներին:

«Կարծում եմ, որ յուրաքանչյուրիս հոգում այսօր բերկրանք կա և ուրախություն: Այսպեղ նստած յուրաքանչյուրիս հոգում և սրտում այն կարող է փարբեր խորություններ, երանգներ կրել իր մեջ: Մանկավարժն իր հոգու ուրախությունը կարող է փարբեր կերպով ապրել, փարբեր երանգներ խառնել այդ ուրախությանը, փարբեր զգացումներ ներդնել, ուսանողները՝ փարբեր, պաշտպանող անձինք՝ փարբեր, բայց, կարծում եմ, յուրաքանչյուրս էլ ուրախության հեղ միաժամանակ ապրում ենք հայարության զգացում, որը բոլորինս է: Մանկավարժը, որ փարիների իր կրթության արդյունքում կարողացավ պատրաստել, հասցնել այսպիսի՝ մի անձ, մի անհայր, որն առաջին իր աշխատության վրա թողնում է իր անհատականության յուրախարակ դրոշմն ու կնիքը: Իրենք հայարս են, որ կարողացել են առաջին քննությունը պատրվով բռնել և այսպեղ մեր առջև ավարտաճառ ներկայացնել, մենք հայարս ենք, որ այսպիսի բանիմաց երիտասարդներ դառնում են շրջանավարտ Նոզևոր Ճեմարանի և գալու են համալրելու շարքերը մեր եկեղեցականների:

Ես ուզում եմ շնորհավորել այս կապակցությամբ բոլորին անխափր, առաջին հերթին՝ ճեմարանի տեսչությանը, որ բարի պտուղներն է քաղում իր փարիների աշխատանքի: Նրանք իրենց գիտելիքները, Ավետարանի Սերմնացանի առակի օրինակով, շաղ են փվել հոգիներում, մտաց մեջ այս երիտասարդների, նաև մեր մյուս սաների, որոնք բարի նախանձով սպասում են, թե իրենք երբ պիտի հայտնվեն այս սեղանի ետևում՝ իրենց ավարտաճառերը պաշտպանելու: Մենք շնորհավորում ենք նաև մեր եկեղեցականությանը՝ մեզ, որ իրապես այն հույսը, այն հավատը, որ փածել ենք դեպի այս հաստատությունը, այսօր սերունդ է փայլի՝ մեր եկեղեցական առաքելության մեջ իր ծառայությունները բերելու: Շնորհավորանքս եմ ուզում ուղղել նաև մեր թե՛ ավարտաճառերը քննող հանձնախմբին, և թե՛ ղեկավարներին, որոնք գլխավորել են, ուղղություն են ցույց փվել, առաջնորդություն են ապահովել, որպեսզի ճիշտ ընթացքով կարողանան կազմակերպել իրենց ավարտաճառերը և այսօր ավարտուն վիճակով ներկայացնեն քննիչ հանձնախմբի դատին: Շնորհավորանքս կարծում եմ, որ այսօր առավելաբար ուղղված պիտի լինի պաշտպանող անձանց, որոնք բավականին քրտնել են,

բավականին հոգնել են, հոգնել են նաև, հավանաբար, սպասելուց այս օրվան, ինչպես ասացին, որովհետև գիտեմ, որ ավարտաճառեր կային, որոնք երկար ժամանակ դրված էին փեսայության սեղանին և սպասում էին, թե երբ պիտի ներկայանա պաշտպանության օրը: Այսօր նրանք այդ առիթն ունեցան, պաշտպանեցին իրենց ներկայացրած աշխատանքը, գործերը և պաշտպանեցին իրենց փեսակերները՝ սրանալով «գերագանց» և «բաջալավ» գնահատականներ: Թող Աստված օրհնի ձեր կյանքը, ձեր ընթացքը Նոզկոր Ծննդարանի կրթական այս օջախի հարկից դուրս, և կարողանաք արդարացնել մեր ժողովրդի սպասումները, մեր Եկեղեցու սպասումները և Աստուծո առջև ներկայանաք որպես բարի, արժանավոր, բաջ մշակներ մեր Եկեղեցու և մեր ժողովրդի: Աստված թող օրհնի ձեզ»:

Ավարտաճառերի պաշտպանությունն ավարտվեց «Պահպանիչ» աղոթքով:

### ՀՐԱՆՏ ԿՈՍՏԱՆՅԱՆ

Գևորգյան Հոգևոր Ծննդարանի  
Զ լսարանի սան